



UNIVERSITÄTS-  
BIBLIOTHEK  
PADERBORN

**Libri// Officialis// Sive Agendae S.// Ecclesiae Treverensis  
Pars// Prior**

**Jakob <III., Trier, Erzbischof>**

**Avgvstae Treverorum, 1574**

**VD16 A 766**

Instructio pro Confirmationis sacramento.

---

[urn:nbn:de:hbz:466:1-72595](https://nbn-resolving.org/urn:nbn:de:hbz:466:1-72595)



## INSTRVCTIO PRO CONFIRMATIONIS SA- CRAMENTO, DE HIS QVAE AGEN- da sunt Sacerdoti Parocho.

- I** **Q**uoniam Confirmationis Sacramentum parum videatur pertinere ad Pastores, cum solus Episcopus sit eius ordinarius Minister, Pastoris tamen est populum cohortari & præparare ad eius piã & dignam susceptionem.
- II** **C**onfirmationis Sacramentum inde nomen habet, quoniam qui baptizatus est, cum ab Episcopo sacro Chrismate ungitur, accepta noua virtute, firmitior, & perfectus Christi miles esse incipit.

### De Materia.

- III** **M**ateria huius Sacramenti est Chrisma, ex oleo & balsamo confectum, & Episcopi consecratione, ex Christi institutione, teste Fabiano Pontifice & Martyre, sanctificatum. Oleum quod pingue est, & diffluit, gratiam à Christi capite manantem significat. Balsamus, cuius odor iucundissimus est, & contra putrefactionem valet, declarat suauitatem virtutum, quæ in Confirmatione conferuntur, quibus fideles à peccatorum sordibus defenduntur, & famam odoremque sanctæ vitæ cum proximorum ædificatione diffundunt.

### De Forma.

- III** **F**orma: Signo te signo crucis, & confirmo te Chrismate salutis, in nomine Patris, & Filij, & Spiritus sancti.

### De Ministro

- V** **O**rdinarius Minister est solus Episcopus, nam cum Samaria accepisset verbum Dei, Petrus & Ioannes ad eos missi sunt, qui orauerunt pro ipsis, vt acciperent Spiritum sanctum.

De



De Patrinis.

**A**dhibetur in hoc Sacramento Patrinus eodem modo, quo in Baptismo fieri debere dictum est, nam sicut noui milites in bellis corporalibus duce aliquo vtuntur, cuius consilia sequuntur, sic in spiritali militia descensus in certamen duce ac monitore eget.

VI

**E**adem autem & eodem modo contrahitur cognatio spiritualis matrimonium impediens, & dirimens iam contractum, sicut ante de Baptismo dictum est, vt scilicet cognatio huiusmodi solum fit inter Patrinos & confirmatum, illiusque patrem & matrem, nec non inter confirmantem & confirmatum, confirmatiq; patrem & matrem, vt statuitur in Conci. Trid. Sessione. 24. de matrimonio cap. 2.

VII

**N**on Confirmatus non debet esse Patrinus aut tenere alium ad Confirmationem, nec excommunicatus, nec hæreticus, nec publice criminofus, nec Religiosus.

VIII

**Q**uilibet confirmatus potest non confirmatum tenere eiusdem vel alterius sexus, nisi quod vir vxorem suam, nec vxor virum suum tenere non possit, quia contraheretur cognatio spiritualis, impediens vsum Matrimonij.

IX

**P**lures esse Patrini non debent, cap. Non plures. de Confe. dist. 4.

X

De ætate & qualitate Confirmandorum.

XI

XII

**O**mibus fidelibus post Baptismum Confirmationis Sacramentum administrari potest, expedit tamen expectari vsum rationis, qui ante septennium communiter non apparet: nam pueri qui eo carent, Catech. ad pugnam spiritualem nondum sunt idonei. Si qui vero iam adulta ætate confirmandi sunt, si ex hoc Sacramento gratiam consequi volent, cum pœnitentia & detestatione præteritorum peccatorum accedere debent, & non solum à Pastoribus ad Confessionem, sed etiam ad ieiunia & alia pietatis opera cohortandi sunt, vt que non nisi ieiunia hoc Sacramentum suscipiant, iuxta laudabilem antiquæ Ecclesiæ consuetudinem. de qua cap. Vt ieiuni. de Confe. dist. 5.

XIII

De



## Instru. pro Sacr. Confir. De Effectu Confirmationis.

- xii** Dignè suscipientibus gratia confertur, & peccata, quæ cum gratia nullo modo esse possunt, remittuntur. Gratia baptismatis perficitur & augetur, ut timore & pudore deposito gaudeant etiam pro Christi nomine pati, ut patet exemplo Apostolorum, qui cum in passione fugerent, & post Resurrectionem clavis ostijs se domi continerent, in die Pentecostes induti virtute ex alto, & repleti Spiritu sancto, inter tormenta & contumelias, gloriabantur. Nam, ut ait Melchisedes Papa, In Baptismate homo ad militiam recipitur, & Confirmatione armatur ad pugnam: in Baptismo abluimur, post Baptismum roboramur, Baptismus regenerat ad vitam, Cõfirmatio instruit & armat ad agones.
- xiii** Imprimitur præterea character: quare nullo vnquam tempore iterari potest, & hoc character tanquam signo quodam distinguitur, non Christianus à Gentili, ut in Baptismo sed fortis Christianus, & bellator ab imbelli, & miles ab eo, qui nondum est idoneus ad militiam.

In Epi-  
stol. ad  
Hispa.  
Episco.

## De Cæremoniis & ritibus huius Sacramenti.

- xiiii** Signum crucis fronti ab Episcopo imprimitur, tanquam symbolum militiæ Christianæ.
- xv** Alapa maxilla leuiter percutitur, ut meminerit Christianus miles inter persecutiones & opprobria Hæreticorum persecutorum, atque infidelium, Christi nomen esse liberè profitendum & prædicandum.
- xvi** Confirmati caput fascia linea, propter reuerentiam Chrismatis, circumligatur, & deinde lota fronte eadem fascia soluitur & comburitur, sed nec in ligando, nec soluendo vlla affinitas aut cognatio contrahitur.
- xvii** Hæc à Pastoribus populo maximè circa festum Pentecostes, & quando Episcopi aduentus ad Confirmationis Sacramentum administrandum expectatur, diligenter exponenda sunt, ut tanto diligentius & cupidius ad tantam gratiam sese præparet.

Instru-